

畿輔通志卷一百七十

略一百二十五

古蹟十七

陵墓六
間 天津

承德

永平

河

承德府

國朝贈光祿大夫張應魁墓在張三營應魁姓張氏漢軍人太子少保協辦大學士

賜諡文敏百齡之祖也父宏仁康熙年間由瀋陽移駐熱河歷任熱

河行宮總管千總遂家焉應魁任直隸正定鎮杜勝營都司

國朝提督魏進忠墓在府西三十家子雍正年間任古北口提

督以軍功世襲其裔今占籍浙之永嘉縣

以上
府志

豐甯縣

國朝領侍衛內大臣克什圖墓在縣郭家屯西南六十里之宣家營北俗稱爲將軍墳克什圖蒙古正白旗人雍正年間以

從征滇省有功累官議政大臣領侍衛內大臣拜他拉布勒
哈番兼一拖沙喇哈番卒諡勤恪有雍正十一年

御賜墓碑

府志

平泉州

遼蘭陵郡夫人蕭氏墓在大甯城南

府志

金特進興中府尹完顏曷墓在州東北完顏曷大定人金故
特進興中府尹墓在大甯西三十里玉泉鄉有明昌初翰林
待制党懷英所撰碑

元一統志

案平泉距州八十里有羊草溝古
墳距州九十餘里又有柳溪溝古墳墓前翁仲俱存碑碣磨
滅已不可辨亦未詳何代人之墓概不敢附會附此以俟者

府志

赤峯縣

元追封薊國公張應瑞墓在縣東北一百六十里俗呼國公墳應瑞元之陪臣也初事納臣那演納臣那演之子幹羅臣元世祖時授駙馬都尉瑞又事之幹羅臣之子諦瓦八刺尙武宗妹大長公主肇封魯王開府全甯以應瑞勞勩初贈中奉大夫加贈榮祿大夫追封薊國公祖仲賢父伯祥皆追加公爵並葬於此第在墓南今稱國公府元統三年詔爲立碑奎章閣學士朝散大夫經筵官尙師簡翰林侍講學士中奉大夫知制誥同修國史同知經筵事張起巖撰奎章閣承制學士巵巵書崇祿大夫翰林承旨許師敬篆額碑尙存焉

府志

元封薊國公張氏先塋碑皇上踐阼之初尊皇太后奉以天下之養申命元勳大臣領徽政院宿望舊勞咸在其選於時中政使同知昭功萬戶都總使府臣住童拜榮祿大夫徽政院使已又推恩降制贈其三代元統三年春正月敕翰林院侍講學士臣起巖奎章閣供奉學士臣師簡撰其碑奎章閣承制學士巵巵書翰林學士承旨臣師敬篆其碑首臣起

嚴等謹案贈榮祿大夫遼陽等處行中書省平章政事柱國
追封薊國公張公諱應瑞世爲全甯大家全甯魯王分地故
隸籍魯邸其祖考諱仲賢秉性純篤忠厚和易樂善而有恆
鄉里咸宗敬之嘗語人曰與其遺子孫以財曷若教子孫以
德財或用之有盡德可傳之無窮時人以爲名言以曾孫今
徽政貴贈中奉大夫嶺北等處行中書省參知政事護軍追
封清河郡公妣李氏追封清河郡夫人考諱伯祥謹原而有
志略爲納臣那演所知擢賓宿衛事必諮問時公生甫七歲
已嶷然厚重有成人風納臣那演子養之及長材力精敏識
趣超異於時務尤練達美鬚髯風儀端整臨事謹恪慎重納
臣病凡三年躬調護視醫藥食飲撫摩時其衣衾之寒煖坐
立寢處其側寒暑晝夜無倦色洩遺溲技裊簞更易潔除澣
濯人皆以爲難公不少怠也病旣愈指公戒其子曰吾病時
汝雖天倫至親非不欲竭心力以奉我然病當急處亦有不
得近者惟此兒勤力精思能知吾病痛所在三載之久殆若
一日病獲痊復此兒力也忠孝若此汝毋忘之及幹羅臣嗣
位世祖皇帝以皇女公主釐降爲駙馬都尉思其父之遺訓
遇公禮意優厚公事之彌謹俄駙馬之弟只兒瓦叛挾駙馬
北去并竊太祖皇帝所賜券公與俱往思有以脫駙馬於難
駙馬旣遇害并因辱公楚毒百至公曰吾聞主辱臣死吾不
難一死以從主於地下願吾死主冤孰白者伺守者懈得逃
還訟其事於上事下有司罪人斯得而主讎竟復追索得所
竊券世皇嘉之賜楮幣五百緡俾歸輔其嗣主主薨子諱瓦
八刺立尚武宗皇帝妹是爲皇姑徽文懿福貞壽大長公主

肇封魯王開府置僚屬王念公勞勩以爲請璽書錫命亞中
大夫王府傳壽八十二以終初贈中奉大夫河南行省參知
政事加贈一品以受今封夫人剛氏由清河郡夫人加封薊
國夫人而公之考由贈嘉議大夫同知太常禮儀院事上輕
車都尉清河郡侯加贈資政大夫河南江北等處行中書省
右丞上護軍仍封清河郡公妣王氏追封清河郡太夫人公
之子三人住童大都閭全閭住童謙抑廉謹靜而寡言及臨
事剖析曲當大長公主器重之初命嘉議大夫怯哈口都總
管天厯初文宗皇帝正位宸極遣使通問魯邸時東藩諸王
連遼海兵方抗拒上命恐不利於使者乃潛遣從間道歸彼
知其然卽執之付上都至則以計獲免脫今贊天開聖仁壽
徽懿宣昭皇太后太主所出也主灼其忠盡乃以媵臣遂躋
於朝授集賢侍講學士進資善大夫中政院使提調中興武
功庫兼監隨路都總管府同知賜授虎符昭功萬戶都總使
府筦媵人千夫長嗣拜今命次曰大都閭都總管府總管次
曰全閭未仕孫男三人郅閭嘉議大夫同知通政院事兼羣
牧監卿提調洪徽局事次忻都朝列大夫繕工司卿太皇太
后位下口愠怯僻官次孛蘭奚臣起巖等惟大易有曰積善
之家必有余慶又聞先哲有言名門右族莫不由祖先忠孝
勤儉以成立之斯言也其萬世之龜鏡歟觀公之祖考平昔
立論賤貨貴德確爲世法言雖簡而施之無窮俾萬世子孫
有所據依而取之不竭蓋有古君子之烈焉其先考始爲陪
臣遂見信任叶贊忠告之效境內受賜久矣再傳至公自其
幼時器度凝重已結主知果勤勞不懈稱副所期訓言諄切

遺其嗣人復能盡忠所事躬冒白刃以蹈不測禍大義所在
命輕鴻毛酷毒備嘗皆所不卹公既挺身脫虎口赴愬於上
卒復其主之讎以雪不世之恨其忠蓋視古人無愧焉故其
趙居王傳之位安享耄年之壽非幸也宜也神監孔昭是生
臣住童受知大母晉位朝署公遂顯膺贈典位列台階勳則
柱國以開薊封若祖若父咸錫公爵聯執政柄覃及諸孫通
籍禁中聯事皇朝方來之慶進進未艾茲欽承明命賜碑光
寵昭揭幽德以焜耀永世蓋其慶源所衍皆由積善與夫忠
孝勤儉致然又非幸也宜也臣等既鋪敘其世濟之美敢以
公之素履載揚於銘其辭曰顯允張公秉德在忠生而亢宗
惟時之逢鉅藩屏東位望隆隆早歲景從灼其丹衷子養於
宮恩貴實同圖報孝忠精思劬躬侃侃其容坦坦其胸夙夜
恪恭一其初終帝壻乘龍願遇益稷豺梟內訌憫其遭凶力
嬰彼鋒思發其矇緼網奔龍顧遇益稷豺梟內訌憫其遭凶力
干戈一撻殲厥渠兇復讎奏功烈烈高風有警頑瞽壽高爵
崇神鑑昭融慶門秀鍾嗣息睦雍咸詔笙鏞祀禋璧琮蒞事
肅恭臣職聿供積其勳庸禁籍以通湛恩麗洪爰開薊封寵
章被蒙漏泉昭穹震聲泃泃旁達四充良冶良弓紹其芳蹤
蘭桂成叢遼冀之雄譬彼上農種勤穫豐佳城鬱蔥植之柏
松賜碑穹窿既琢且礪辭徹帝聰作配景鐘戴德罔窮以勸
功臣

元中順大夫準台墓在縣東北二百里烏丹城南七里準台

蒙古人爲魯國大長公主媵臣冒姓甕吉喇特氏事魯王爲
管領隨路打捕鷹房諸色人匠等戶錢糧都總管府副達魯
噶齊尋進中順大夫爲達魯噶齊卒葬歡喜嶺之麓子色爾
濟戢事文宗爲宮相都管府副總管入宿衛順帝尤愛之詔
爲其父立碑翰林待制奉議大夫兼國史院編修官揭傒斯
撰奎章閣大學士資善大夫知經筵事巉巉書奎章閣侍書
學士中奉大夫同知經筵事尙師簡篆額至元四年立碑今

尙在

熱河志 元揭傒斯奉敕撰準台墓碑國族有諱準台者爲魯國大長公主媵臣事魯王丹巴拉甚愛幸遂冒

魯王族甕吉喇特氏家全甯今爲全甯人父曰夏尙有德行舉其部以父事之公善牧養畜馬牛羊果鉅萬旣擇其地必謹其人其順之若隨其視之若遺而不亂其指麾以畜以孳而已若不知而賞罰是宜常日使吾得其民治之夫猶是也及事魯王魯王以其才可大用一府中亦交稱其賢數欲獻之上復念府中去是人緩急無可使者遂奏爲管領隨路打捕鷹房諸色人匠等戶錢糧都總管府副達魯噶齊與隨朝列大夫尋進中順大夫以爲達魯噶齊居府中十餘年貨無

悖入亦無濫出歲節財用五十餘萬緡公室以富民生以遂
猶恨不能盡其才至治三年三月十日年四十二卒於京師
之仁壽里府中如失其弟兄境內之民如失其父母後口日
葬城西南五里歡喜嶺之麓今太皇太后魯國大長公主之
女也其歸文宗文宗問準台有後否曰有有子曰薩勒奇思
鑑今若干年矣遂求以充媵臣以其父賢必有賢子也及卽
位置宮相都總管府以爲副總管入宿衛今皇帝尤愛之詔
樹碑其父之墓以旌其賢以勸於後而以文命臣僕斯臣竊
惟我朝以仁愛立心以廣大制國故能臣妾天下號令八方
凡在國人出一言施一政不待文學亦動與古聖賢合天運
之所在如此若公平生尙義而好施饑而待其食寒而待其
衣長而待其婚嫁沒而待其喪葬者誠不知其幾以公之志
復假之年使得守封疆立廟廟當何如也而竟止此然夫人
阿之里氏以盛年而失其所天能玉雪自守以保其節子薩
勒奇思鑑以弱齡而失其所怙能奮勵自克以善其繼致使
天子賢其父以及其子因其子以追其父廣褒賢之典賜述
德之碑與元勳世臣等不亦盛哉撮公生平所被錫賚大德
三年裕聖太后賜白金爲兩二百有卅瓊玉束帶一至大元
年武宗賜大珠首飾一副白金五十兩楮幣二千五百緡王
杯一皇慶元年魯國大長公主割賜濟甯堯河分地五十頃
及金玉器各對上及后賜楮幣二千五百緡對衣材廿元聖
太后賜黃金五十兩白金二百五十兩對衣材廿至治初英
宗賜楮幣五萬緡對衣材十天厯初上及后賜楮幣十萬緡
子男一人薩勒奇思鑑受知文宗特授奉宸庫提點厯尙功

署令進直省舍人進宮相副總管累階奉訓大夫口口天地至大萬物至衆生之不齊各致其用馬不使耕牛不使乘椅桐琴瑟松柏棟楹用大而小君子之誚用小而大君子之戒公如騏驥不隨駑駘公如松柏施之桷懷以屈知已以就任使而誰爲之豈曰天子生不盡用沒有餘榮子孝孫賢茲石示徵

建昌縣

元康泰真墓在縣東北六十里長壽山中墓旁石碑一立於

元初碑尾書丙辰年癸巳月丁酉日建撰文者白霄進士李

姓其名已剝落刊石者白霄石匠高守真也以史考之丙辰

爲元憲宗之六年時未有年號故以干支紀年也泰真利州

花務村人元初特賜含真體道至德真人自號雲峯子

熱河志

元白霄李口雲峯真人康泰真墓銘蓋聞陰陽始辨杳乎其莫能名天地初分淵乎其不可測涵蓋羣生惟人最貴包羅萬物惟道最精或逆化或順化所以隱顯不同倫也何者或巖峯而悟陟或圓宿而煉真或花酒中了然得道或風雪裏卓爾全神若夫離見絕聞游戲自在予於含真體道至德真人雲峯子見之矣公俗姓康氏道諱泰真利州花務村人也

世業農桑母感異夢娠二十四月而生幼而不羣長而敦厚
美髯過腹自有仙風道骨節儉由於性成明昌元年躬耕於
州西長壽山因而憩息遇至人盤石而坐公異之遂稽首而
拜至人口傳道祕公心印元妙頓覺神識爽然以悟仙機因
拜謝間忽失所在石上履跡迄今存焉與祖師重陽公甘河
飲水得道之緣甚相符契遂棄家入道明全真之關鍵悟大
教之根源合乎妙理則學於譚馬邱劉體乎元虛則達於黃
老莊列於長壽山懸壁之半石窟之中下志修真雖危峯巘
崕顛崑磊落林木叅錯鳥飛而力倦獸走而神疲公居數年
坦然自若山下行人過之者罔不歎服後里人敦請公乃下
山蓬頭跣足披木葉之衣過巡院村舅氏之舍其姪氏竊焚
公之葉衣火焰飛身神亦無懼體亦無傷非有道之士孰能
如是哉至承安三年南川舊宜州園居六載透脫淨中境界
養成真氣吐而爲文亦中規矩且吾聞之天上無情懂仙人
雲峯子殆其是歟後天朝革命初定中原兵餘食艱負其老
母忠誠以可遠近慕焉公之天賦至孝恭儉終其生喜愠不
見形予屢惜金鼎之地至人奇士比比而出如鄭狀元曹尙
書蓋堂頭乃儒釋中之魁俊也今美髯仙翁亦道中之傑也
斯蓋水秀山明之所鍾也公於丁丑夏間徙居雷都化自然
飯有長春觀住持道人高煉真志氣堅剛性情決裂少所許
予一見公貌而奇之曰殆鍾離之後乎遂稽首曰弟子所居
之院額曰長春師不棄卑猥於中盤礴可乎公聞之諾而受
焉煉真永爲皈依肇闡元風之勝有遊宦者教之以忠正修
道者導之以性命士庶者勸之以孝悌芻蕘者誘之以耕耘

教化勸誘接物利生十方大衆無不周矣聲譽籍甚聞於四方四方之人蹈門受教者不下數千人公得不傳之妙人莫能窺其涯涘矣自生民以來未有如公者也雖然性近而習遠下學而上達匹夫匹婦可以與知焉孔子有言曰君子學道則愛人小人學道則易使也斯言信矣時夏甚旱土庶懷憂大師烏庫哩公與幕下叅佐知公祈求有驗率衆請公至於雪壇之上公於赫曰中踟趺而坐良久曰來朝辰正當有甘澍果依期有一犁之足田苗淳然興之矣有驗如影響於是民大和會德聲聞於四野故曰修其德而天自輔豈不然哉是年仲冬凜冽雪之朝爽樓者最爲傑觀四壁曠然千山疊雪公裸袒而居以及十旬餘樓下瞻仰者雲集紛紜曰非造道之深何以與於此乎京主留守完顏芳秀泊監軍富森公拜邀歸院丰姿愈盛道體堂堂然真寒暑不能侵者也前後住食坐凍祈雨圓居興緣建立多有事端豈可屢陳世人讚曰真方外之人也其後利州節度任公帥官屬稽首於公曰金鼎郡師之鄉也先隴存焉願建道院一區冀鶴駕時一賁臨洗滌一方塵心以爲養浩之所不亦宜乎公憫其懇誠俯而允諾至婁家營不數載間剏構琳宇名曰玉京聖位窈窕然廊廡沉沉然香廚爽然雲堂邃然靡不俱備歲次戊戌遇聖朝遣信臣懸金符搜訪天下高道聞公道德彌高特賜含真體道至德真人謂悟養生主可符大宗師公曰道士家風一瓢一杖生涯足矣焉敢受此大名一夕而遁去有宣授大師國王夫人完顏敬善及凝陽真人馬公君瑞大師門公望塵懇請曰公之名震天下如雷霆此豈人力也哉而能動

天必有道矣非至誠一德其孰能使之公勉而受焉終不喜於虛名後卜於長壽山泉甘而土肥峯危而林茂真所謂人間之勝地也昔廣成子居於崆峒希夷子隱於華山務成子潛於姑射寇謙之寓於嵩山斯聖者也清者也賢者也達者也公慕四子幽微之趣緬九衢市井之喧松軒竹塢足以給棲遲暮靄朝霞足以供嘯傲公方於四子亦可謂之明者也一日謂衆徒曰儲風養月枕石漱流足稱終焉之託惟所闕者十笏大室耳弟子聞之欣然願成於是鳩工董役梓者斤者日有千指輦而輸幣輿而入栗絡繹道塗縷縷不絕如經如織孔子曰天之所助者順也人之所助者信也其斯之謂歟歟乃丈室果不日成之命曰葆光是年六月上旬有四日公命湯沐盥滌易衣書遺世頌頌云平生活計得優游寄跡人間九十秋撒手這回歸去也杖挑明月赴瀛洲書訖枕袖蛻然慟哭者數千衆聲振川谷僉云就葆光丁字內穴地以爲窆窆之葬其徒朝夕祭祀焉至百日開棺視之信香襲人尙如初歛知慧福德靡不畢具公演道七十餘年春秋九十有二一日門人利州道錄康守安及揚志元不遠徑來勾文於予曰師之德恐久而沉陷焉將以刊諸翠口以顯於世死而無憾矣予失學空腹焉能發揚哉誠意懇求三辭不免畧撫其實而爲銘銘曰道超今古一氣綿綿中間涵養雲峯老仙得遇至人口訣幽元懸流勇退性識超然卜隱長壽計就終焉心燈瑩潔物不著邊枕袖蛻行鸞鳳翩翩葬於斯地以了真緣仙翁來兮鶴鳴於天仙翁去兮道誰與傳蕙帳空月

丹竈冷煙瑤臺元圃洪崖拍肩海嶽飛塵師德彌堅
靈前刻石億萬斯年承安丙辰年癸巳月丁酉日

朝陽縣

前燕慕容皝墓在故龍城龍山上十六國春秋前燕錄慕容
皝葬於龍山上曰龍平元一統志謂墓在興中州西北狼山
下又近馬兜山慕容皝設伏兵處皝卒葬於此顯與十六國
春秋不符其說恐無據

熱河志

後燕慕容熙墓在故龍城西慕容熙營苻后墓錮三泉周輪
數里內則圖畫尙書之象號曰徽平陵及將葬熙爲馮跋等
所殺高雲僭立與苻后共葬於徽平陵

十六國春秋後燕錄

徽平陵在

興中州西三十里慕容熙與苻妃葬處卽八角墓

元一統志

石晉李太后墓在故建州後人號李太后墓又有安妃從晉

出帝北遷死於建州道中遂與李太后並葬於此

熱河志

李太

音輿通志 卷一百一十七
后墓在建州熨斗山之北

元一統志

乾祐二年三月徙帝太后於

建州自遼陽東南行千二百里至建州節度使趙延暉避正

寢以館之去建州數十里外得地五十餘頃遣帝從行者耕

而食之明年三月太后寢疾無醫藥常仰天而泣南望戟手

罵杜重威李守真等曰使死者無知則已若其有知不赦爾

於地下八月疾亟謂帝曰我死焚其骨送范陽佛寺無使我

爲北地鬼也遂卒帝與皇后宮人宦者東西班皆被髮徒跣

扶昇其柩至賜地穿地而葬焉

五代史

晉李太后詣契丹主請

依漢人城寨之側給田以耕桑自贍契丹主許之并晉主遷

於建州未至安太妃卒於路遺令必焚我骨南向颺之庶幾

魂魄歸達於漢

資治通鑑

永平府

盧龍縣

商孤竹三塚明統志俱在府城西北雙子山有孤竹長君之塚團子山有孤竹次君之塚馬鞭山有孤竹少君之塚傳曰國人立其中子蓋次君也按寰宇記孤竹城下引隋圖經云漢靈帝時遼西太守廉翻夢人曰余孤竹君之子伯夷之弟遼海漂吾棺願見藏覆明日果見浮棺於津際乃爲改葬後人因分爲三塚也

按事見水經濡水注

今夷齊墓又見山西蒲州

大清一

統志

漢公孫塚在府城外赤峯嶺俗傳公孫瓚墓

魏公孫神康墓在城南烽火山相傳公孫度之子也舊志云公孫塚在赤峯嶺及道南烽火山有公孫神康墓漢末元菟公孫度據平州傳子康豈其所葬歟是不知漢魏平州在遼

東襄平而此爲遼西郡度不得而有也至康子淵爲司馬懿
所征經孤竹度碣石以次於遼水彼烏得而葬此哉灤舊志
從之且引康爲神康史傳康無二名或以爲公孫瓚殺劉虞
而據幽州蓋本令支人赤烽嶺烽火山皆漢令支之地也或
瓚之先後族屬而瓚則焚易京今雄縣子續亦殺於屠谷未聞
故吏爲收葬以上俱府志

元贈中奉大夫行中書省參知政事張昂霄墓在縣西苑家

莊

元馬祖常撰神道碑公諱昂霄字雲卿姓張氏其先世居定州五代時晉高祖割燕薊諸州賂契丹又徙鎮定民以

實平營故今爲平州人金末擾亂世牒無所稽祖伯韜有文
學不仕讀書授徒爲鄉人俎豆師生鑑鑑爲海山縣丞有惠
政娶間土程虞卿女有子三人長即公次冲霄仕平州酒稅
醋使以卒次平霄副鎮江丹陽酒稅醋務沒贈官從仕郎保
定路易州判官公力孝弟尙學術敦慎以睦宗族子姓稱賴
無有間言國初檄文臣詣都邑試士人學中程者復其家公
首以詞賦備選至元七年辟署平灤路轉運司知事十年階
前資提舉北京平準行用庫克勤厲守威較然有聲終更序

績遷管勾濟民鹽場顧子弟曰曲直有施而莫盡材余豈能
僂俛中哲匠繩度者而或予強也惠幼禮長葺力食生知天
德自貴於物而行苟不作人道殆其盡於茲矣奚必仕而爲
榮爲得祿哉於是居閒益講詩書六藝之學置諸生左右摭
掇前聞分釐辨對俾達所趣內熙外易慥慥肫肫對客燕坐
語及古今人物賢否事後成敗利鈍若水斷縷緝悉有左契
每臨筆爲文詞必緣情稽類不峭澁艱遠而夷然有古作者
風意歲時從容課僮僕治生業往來里閭十有餘載無忿氣
無慢容殆依依平厚君子也以至元廿五年秋七月二十有
四日考終於家享年七十其年十月某日葬平州西苑家莊
之原子男九人長諱杲卒海山縣酒稅醋使次諱某早世次
諱昱同監昌黎縣酒稅卒次名昇今奎章閣大學士資善大
夫爲時名臣次名昆承務郎陝西等處儒學提舉次諱曇少
知好禮讀書日記數千百言弱冠爲兵曹掾聞其師滕司業
卒中山謀請臨哭其喪例不許因棄掾得就哭還金敖務自
多學記覽以博其用而不幸亦卒次名最承直郎真定路藁
城縣尹次諱晟旣冠而世次曰旦承事郎遼陽行省照磨官
女一人適土人劉源男孫凡十有三人曰璵監安豐路霍邱
縣酒稅曰琳學而未仕曰山童天曰璵將仕郎章佩監知事
曰琦從仕郎隆鎮衛千戶所知事曰琪甫冠卒曰仁童曰居
安曰鯨川皆天曰璵國子生曰琥未冠卒曰珪曰琢幼而學
曾孫男三人曰紹安慙兒范陽元孫男三人曰元孫聞孫定
孫皆幼孫女五人長適同監馬城縣務趙蘄先卒次又適蘄
次適遷安趙璧次適大甯楊誠次名賽未笄卒曾孫女二人